



雙山縣鄉土志

甲子重印





序

縣有志舊例也。雙山蒙荒墾民初集。三年成邑。乃出意外。每以志書缺如。引爲已疚。然自揣絳灌無文。又復勸農鮮暇。求之行篋。書卷寥寥。倩諸友朋。績學難覩。歉然者久矣。客歲

民政長令各縣送鄉土志。時值籌辦冬防。訟獄且繁。又不敢無以報命。爰於風晨雪夜。據事直書。陋不待言。望

鴻博君子諒之。教之勿棄。

大中華民國三年春奉天雙山縣知事山左牛爾裕編

王長治

李永豐

調查員張樹猷

王茂華

趙培崙

王世儒

方侃

牛方儀謹校

方循

雙山縣鄉土志目錄

輿圖

歷史

政治

兵事

人族

戶口

宗教

實業

地理

山

水

道路

風俗

物產

植物

商務

附錄

親民堂記

雙山興學記

防疫說

移民墾費書

摘要補錄

呈報調查荒情暨安墾章程

勸墾告示

呈報墾戶安莊辦法

附表牌

呈請限制蒙古田獵

呈擬墾戶自衛

呈請開通河運

呈報局房營房工竣

呈報創設學堂辦法

呈據情請緩酒稅

墾戶未到由官招佃告示

呈報漢蒙清界事竣

呈報雙遼互爭公地請查案批示

呈復雙遼息爭辦法

照會雙山自治會赴荒務局會議

呈張督都兼民政長雙遼爭地案辦結

詳張上將軍兼巡按使請辭職

書雙山田賦事

書鑿渠洩水事

雙山留別詞

雙山全境與圖

懷

德

縣

界

東

東

雙山縣

第一區

赴林

第一區

水

第一區

大

赴德

界

東

東

連

赴德

口

河

南

赴港

入

入

赴

入

入

政治

雙山政治。以安墾爲隗始。初學製錦。夫何足錄。錄政之稍能便民。已得實效。而爲

上官所嘉許者。按東三省官地。不難得領戶。而難得實墾。當宣統二年正月。安墾之初。蒿萊遍野。四無居人。爰就地質之宜。民情所利。採諸輿論。參以古今中外成法。擬簡章二十則。呈准登報。并廣告遠邇。閱兩月。僅得民六十餘戶。甚惶恐。乃布告自責。并與新至之人約。勸墾至五十方以上者。捐廉獎以匾額。三十方以上者。獎以楹聯。有地十方以上。一時全數墾種者。則酒禮以迎之。斯漸踴躍。三月杪。乃得民四百五十九戶。經秋。又得百餘戶。遂過六百戶。承墾地五百餘方矣。次年。又次年。皆如之。至民國二年春。乃得三千餘戶。奉省胡匪之多。甲乎他省。推原其故。皆由於家自爲村。居民星散。軍警保衛

力既難周。鄰里扶持。勢尤單薄。爰於安墾之初。規畫全境。每地二十五方。居中立一村屯。凡承墾此二十五方地者。或三五十家。七八十家。皆得聚居於此。廬田相距。近者接壤。遠者二里。便負耒也。西村東堡。不過五里。鷄犬聲通。便守望也。又每村發給六尺木牌一桿。名曰安莊牌。凡此村之村名。地圖。安莊規則。築房形象。以及公穿水井。宅基價值。悉載焉。每村舉村長一名。或二名。凡村中窩賭。窩匪。吸食鴉片。鬪毆等事。村長得查禁之。禁之不聽而不報。惟莊長是問。然莊長又不准索鄉鄰一錢。只兼任看青糧歸之。每晌亦不過一升半耳。又選年力精壯。心地明白。略識文字者。村各一人。來署教練。每日講堂一次。認字義。講規則。署員司分任之。操場二次。教戰法。巡官任之。三月畢業。發給文憑。回村。教材中四十歲以下者。午陰涼處。明月光中。隨時練之。既不防農。又不費錢。總期人人有當兵資格。以漸進於國民之程度。此

安置墾民保庶保富之道也。然富而不教，何以爲國。遂於宣統三年春，捐廉百五十元，創立兩等小學一所。初等小學一所，又於署內設簡易識字一課，以期文明進化。始於教育，惟墾荒多，則穀盛無銷路，則穀賤，穀賤斯傷農矣。欲求銷糧儲糧之道，非水路火車不爲功。本境至五站百八十里，運糧稍難。若水路一通，則千萬石不足慮矣。按境南十二里爲赫爾蘇河，土人曰東遼出赫爾蘇邊門，折而西南流，過昌圖府北，會于西遼河所必經之地。宣統三年，邀同地方人民前往查看，泝流而南，直抵三江口，水清而深，泥底泥岸，以興航業，百世利也。遂繪圖呈准開運，有素封陳平林家，捐地五十畝，以作河岸停貨之地。上峯旌之，而雙山今歲之糧車，遂日銷百五十石不止。國家稅亦因之大暢。

開荒之有益於國，非盡人所能知也。然業戶墾戶之求利己也，則人人所同。若非安墾者，因利利之，恐求兩益，易得兩害。何謂兩害？業戶見利心遷，有時而增租奪佃。此墾戶之害。墾戶禾稼收成，抗租不交，此業戶之害。兩害不除，墾殖何望。當宣統二年安墾之初，卽定章業戶招佃，其有無佃本，幾年納租若干，一佃幾年，聽其與墾戶直接磋商。商妥取具妥保，立有租契。同來本局親經驗看，果係安分農夫，卽發墾戶以承墾書，發業戶以招墾書。書中有限內，不准增租奪佃。墾戶不准欠租脫逃等字樣。局有存根，以備存查。而杜假冒。如遇水旱偏災，則爲之雙方調和，或減或緩，以持平爲主。官民相親，然後相信。自前清收令過尊，官與民遂相隔遠甚。民與官終身無半面之緣者，十居八九。欲痛癢相關，得乎。雙山招墾之初，卽與民相約，以直接。不但課時問雨，時與晤談。卽十元廿元之債，三石五石之租，十隴八隴之地，偶有爭持，便來口訴。隨訴隨傳，片言而解。欠債者勒限發保，立結去矣。行

之三年。民以爲常。甚至家事亦以理之是非來相請問。如子弟之見父兄者。然有過亦必申斥之。除大輟葛與大刑事。概不寫狀。爲不費一錢便民而省工。且情相親。則易於教化也。今雖設治年餘。仍不能改絃。惟大不爲好訟者所喜耳。

農集矣。非商無以濟日用所必需。然商業之興衰。又必視乎錢法。奉省板帖。除省城消歸烏有外。其邊外城市無處無之。甚且帖面有注明通融地面一家付錢等字樣。倒閉可立待也。誤國誤民莫此爲甚。雙山地面初開。正如新梓染絲。功在初化。不得謂但求一時發達之速。致等渴飲盜泉。轉遺後累。是以屢屢苦勸各商家。始終不出板帖。而雙山錢法。民都歡迎。

自前清末年新政繁興。機關林立。籌款之法亦密若網羅。夫新政誠利也。而民間之困苦亦大可憂。民爲邦本。古人非欺我者。雙山地係新闢。民力未紓。

以少籌款爲宗旨。然謂新政可以緩辦。則又不敢。乃抱定少花錢多辦事之宗旨。以漸漸進行。如辦學堂暫不設勸學所。本縣卽勸學所也。辦巡警暫不設警務公所及警長等官。本縣卽警長也。辦預警亦不籌款。不設預警長。本縣卽預警長也。凡此皆爲省錢計。夫一邑之地。一人負擔。眇然一身。有何財力。鮮不謂攬權以欺世也。第念廣廈高驤。自必千椽百棟。寒廬猶就。不妨土壁茅檐。如其地小而鋪張。何若儉固以入手。若待日後漸臻繁盛。仔肩不勝。自當添設計。雙山縣立高初等小校一處。校長兼教習等共三人。南路初等小校一處。教員一人。雙龍泡初等小學校。城裡至道女子小學校。慈惠村女子小學校。各一處。皆取鄉立名義。每處由公款中月助小洋十元。其餘一切費用均歸學東自備。擬本年組織多處。皆用此法。是有公款百一十元。便可興學一處。有城立一處。歲費千元之款。便可興學十處。其省費多寡顯而著。

也。巡警共立三區。每區二十餘人。只有巡官三人。其預警原所以補巡警所不及。卽以三區巡官勸導而聯絡之。亦省一籌款手續也。至自治會。農務會。收捐處。亦均極力節省。不能浪費銀錢。誠以各會係本地人。辦本地事。非紳卽商。各有家產。各有營業。不過熱心公益。共保治安。如其視爲差缺。以博金錢。致日日籌款。俾鄉民幾無寧日。何如清白乃心。共擎重舉。俾同胞共享安和。然雙山此道一行。而深明大義者。莫不贊成。其有志漁利而不可得者。恐不免於怨耳。

除莠安良。害馬之去急矣。而地方之害。胡匪其一也。署差其一也。健訟刁徒其一也。土豪惡霸其一也。外柔和而內險狠。口公益而心奸貪。又其一也。此五者皆足爲人民之害。要莫甚於外柔和而口公益者。盜匪不能常有。行政者但能嚴加考察。使地方無通賊者。則胡匪之來。兵可禦之。至署差之害。則

只有與民直接。每有受賄。或攪擾情事。見甲問乙。無不洩漏。洩漏訪實。按律治之。又獎賞其清勤者。則此害可消。訟徒之得意。全由於官民相隔。若民未訟。先已知其行爲。旣訟。便無所用其蒙蔽。斯訟徒之鬼蜮伎倆。焉能施之於青天白日哉。若夫土豪惡霸。行爲昭著。稍有識者。皆遠之防之。劣迹一著。置之於法。其膽自寒。惟假手以兵警之權。黨羽旣多。則難治矣。最可恨者。外柔和而口公益者。能使人人受其愚。人人樂聽其說。人人樂爲所用。凡一切招搖撞騙。巧猾畏嚇之道。無所不行。勢必達到損人利己之目的。官府明知之。而無劣迹在握。竟不能治之。此真蠹民之尤也。竊爲此慮。他無良策。亦只藉與民直接之法。以破之。尙未爲大病。

兵事

雙山。卽指大小哈拉巴山而名之。爲懷德遼源奉化三縣胡匪淵藪。宣統二年安墾之初。呈由遼源撥巡警四十名。以資護墾。

上峯許之。遼源拒之。不撥一兵。遼固款少。亦由膜視。幸前路統領張雨亭師長。派步隊四十名。繼復分來馬隊一哨。至八月間。又令馬四營營長孫占鰲。帶全營鎮攝。其書記官高子欽。運籌帷幄。迭次遊擊。生擒著名胡匪。地方賴以安謐。旋移營洮南。吳統領興權上將。派隊繼之。屢著戰功。民國元年春。有匪首天下好。肆擾無忌。經萬壽山管帶到處追擊。卒用擊散。是年九月。雙山設治。北鄉初設巡警。劉巡官海峯。擊獲天下好匪夥北盛一名。二年夏。又有匪徒綽號大棧。聚匪多名。是時萬壽山已陞幫統。率隊擒賊二名。經劉巡官海峯生擒。劉四喜一名。奪獲人票二名。并槍枝馬匹等件。九月。匪首大棧。帶

九

匪十餘人。又竄入小哈拉巴山前。蒙屯邊達營子。劫擄懷德吉林富商五人。適遇雙山第一區巡警李士訓等三名。清查戶口。見賊髮指。明知衆寡不敵。而李士訓等奮力抵禦。二句鐘之久。卒將被綁商人奪回。而匪槍子彈。擊中李士訓衣襟者。至再噫。險矣哉。旋復會防營出隊。聲擊賊。乃遠颺。十一月間。又有著名匪首大廣子等十餘人。由大哈拉巴山過我城北二十五里之金山堡。經後路巡防馬隊哨官唐寶鈴。步隊哨官劉忠卿。游擊截獲。擊斃匪徒一名。官兵亦有傷者。匪奔西南而逃。又經第一區巡官何成英。帶警追擊。賊始解體。地方乃安。

人族

漢人 蒙古 滿州 漢軍 回回

戶口

漢戶二千六百一十五戶。蒙古九十七戶。滿州六十二戶。漢軍三十二戶。回回六戶。共男一萬零七百十四名。女八千三百五十六口。

宗教

拉嗎教二百二十名。天主教三十三名。耶穌教二十六名。

實業

農八千六百三十四名。工三百二十二名。商七百七十一名。

地理

本境在奉天省正北偏東四百六十里。東至懷德界百六十里。西越蒙荒至

十

遼源界九十里。南至奉化界百四十五里。北界郭爾羅斯旗蒙荒八十里。全境分爲三區。共八鄉。縣無城垣。設安墾局一所。今改爲行政公署。警察事務所。附設公署中。中街高等初等小學校一所。後街初等女子小學校一所。

一實字鄉。縣治卽在該鄉之北。東西寬三十里。南北長二十里。距縣西南十五里。曰博愛村。有初等小學校一所。縣西八里。曰慈惠村。有初等女子小學校一所。東界懷德。西界蒙荒。南界遼源一角。北界邊字鄉。境內風巒重疊。距縣里數。以人行道計。寬長均直算。以下仿此。

一邊字鄉。東西長三十七里。南北寬十八里。東界懷德。西界圍字鄉。南界實字鄉。北界固字鄉。

一固字鄉。東西長四十四里。南北寬九里。東界懷德。西界圍字鄉。南界實字鄉。北界固字鄉。

一圍字鄉東西長四十三里。南北寬十一里。距縣北二十里。曰邊達營子。第二區警察駐于此。東界懷德。西界遼源。南界固字鄉。北界利字鄉。

一利字鄉東西長四十四里。南北寬九里。東界懷德。西界蒙荒。南界圍字鄉。北界用字鄉。

一用字鄉東西長四十六里。南北寬十里。距縣北四十五里。曰天興鎮。第三警察駐于此。東界懷德。西界厚字鄉。南界利字鄉。北界厚字鄉。

一厚字鄉東西長四十一里。南北寬九里。東界懷德。西界蒙荒。南界用字鄉。北界生字鄉。

一生字鄉東西長三十一里。南北寬十里。東界懷德。西界蒙荒。南界厚字鄉。北界郭爾羅斯旗荒地。吉林長嶺縣。

山

縣東北二十里大哈拉巴山。漢語譯曰黑虎山。象形也。山高不過五十丈。圍可三十里。土多石少。望之濯濯焉。時有變象。或山頂平如蓮花半開。或尖如銅柱矗漢。朝夕改觀。土人多見之。又常有雲氣往來。青蔥可悅。惟其形如虎。危坐。尾北頭南。甚猛烈也。

縣正北二十五里小哈拉巴山。高不及大哈拉巴山之半。圍可二十里。土多於石者十七。山平而頂圓。蒙人不知種植。無林柯。有柳榆。不拱把也。南面有水溜。每夏雨大水。輒聞瀑布聲。

縣城西二里有開寶山。南北長二里餘。高不及里。樹木疏落。星月夜中。每望山上。粲粲有金碧光。故名開寶。蒙人至尊信之。有人敢取開寶山一石片者。如竊盜罪。究其石小者如拳。大者如斗耳。然此山足爲縣之西壁。小哈拉

巴山。嶂於北。大哈拉巴山。幟於東。若城南則有遼河相環繞。再南則一帶平巒。正如屏風向吾曹也。故相其陰陽。觀其流泉。雙山縣城最得地利。

水

東遼河卽赫爾蘇河。發源於長白山西北支之庫爾諾窩集。西北流過赫爾驛。西出赫爾蘇邊門。折而西南流。經懷德之朝陽坡。至雙山之南境。奉化之北境。西至遼源之三江口。會于西遼河。越通江口。達開原鐵嶺。直放營口。入海。其河之經過雙山南境。計河身寬處五丈。窄處三丈。有奇。水清而深。可五尺。春日冰開。夏暑雨後。鯉鱗逾尺。鯽魚尤多。居人捕之。日可三五十斤。味復甘嫩。縣北三十里三玻璃之南。小哈拉巴山之北。有河一道。平川水淺。每夏日雨集。水流而南。直灌界邊。越永安屯之東。玉尺村之西。入溫德屯河口。河深二尺。闊二丈餘。再南越掃竹台之東。入長泡子。泡子容水多。水中多魚。菱

角尤盛。每春夏之交。莖葉青翠。水面浮漂。既秋。居人收菱角。輒得仁數十斗。蒸食以代穀。近年亦稍稍稀矣。此泡又名二道河子。赴東遼河必經之。渡水滿則匯入遼。民國二年河運既通。航業漸盛。就二道河之上。修高橋五控。以便陸車。

雙山平地。不及風櫛之多。然每越一崗。必有平地。地掘深五六尺。便有泉涓涓。水清而甘。居人美之。

道路

縣西二十里嘉禾村。西行五里。至厚俗村。接連五里。至蒙古白仁包頭。均爲縣界。再西十七里。敖力卜窩棚。二十二里。依斯們德窩棚。九里字字屯。以上皆屬蒙荒。十五里至遼源。此由縣城至遼源大道。又自縣北邊達營子西南行。十二里忠信莊。五里嘎哈吐。十五里五棵樹。十五里白仁包頭。通遼源。此

縣北各鎮。赴遼源大道。

縣東五里長發屯。十八里衙門屯。八里八里營子。四里入懷德界。再自縣北邊達營子東北行。十二里集福屯。五里帶經里。十里川頭。十二里懷德界之謝家帳房。統爲由本境往懷德大道。

縣北過嶺十里平安里。十里邊達營子。五里齊家村。五里三玻璃。五里樂利村。八里天興廠。十里節土花。五里福壽莊。三十里至長嶺界之新集廠。爲赴長嶺大道。長嶺等處之來本境。及往來昌圖奉天者。亦由此道。

縣東南八里中和里。十二里少老關台。二十五里張家船口。渡河入奉化界。爲赴四平街之大道。

縣西南八里慈惠村。迤南五里祥雲里。十二里博愛村。五里通德屯。十五里入蒙界之農農閣。由此赴三江口。爲往奉天大道。

風俗

新集之民。齊魯燕趙十之四。西豐西安懷德奉化遼源昌圖十之三。寧遠錦州新民蓋復岫巖奉天各縣。及吉林長嶺磐石等處十之三。商家以昌圖之八面城人居多數。爭利於市。最强盛。民則直樸無文。見往來過客。易於款待。炊以蜀秬米爲大宗。間有食穀米者。米飯蔥菜。習慣甘之。白菜豆腐地豆。皆小康家用之。男多女少。若二十歲男子。聘十六七歲女子。聘禮可至六百元之多。廉亦須四百餘元。迎親無轎。以車代之。車上打棚結綵。鼓樂將之。娶多以夜賀者。皆以銀一元二元五角不等。主人備酒肉三日。喪禮與瀋陽同。風俗之厚。猶爲近古。惟賭風不息。凡商店及鄉屯之有力者。往往聚賭。賭以糧爲輸贏。然捕之不易。耳目多也。種地貪多。有一戶種一方二方者。務廣而荒。往往然也。近年極力勸以耕耘之法。稍稍變矣。

物產

動物以牛馬羊豕爲常產。羽多雉。閒有灰鶴。卽詩所謂鷓也。獸無虎豹麋鹿。惟黃羊子狼犬。則閒有之。春風浩大。天氣較寒。浴蠶者少。然擬試栽桑以養之。并提倡山蠶。以利我農夫。

植物

境東懷德。境南奉化。樹林深密。楊最多。柳次之。本境蒙屯若班達窩棚。有樹百餘株。掃竹台百餘株。溫德屯四五十株。三玻璃百餘株。川頭二百餘株。城西蒙屯五棵樹百餘株。此外新村初種楊柳。都活矣。然午陰不能蔽日。五穀豆最多。而美。金黃色粒小堅脆。爲邊外第一。雖昌圖鷺鷥樹屯所產。不如也。高粱爲大宗。芝蔴尤佳。穀子稗子次之。蕎麥包米次之。小豆。豇豆。土豆。蘿蔔。白菜。皆常產。無特色。惟子瓜最盛。每年得子皆賣諸五站等處。藥材無人穫。

有桔梗。車前子。竹茹。而最多者莫如芍藥。大道東西。風巒之上。春末夏初。紅白燦爛。不圖荒僻之區。乃有此花。使人心怡。菓樹全無。惟山杏最多。然有花無果。北鄉天興廠北荒草中。偶見榛子樹數株。亦低小不禁風也。

商務

黃豆蜀秫爲大宗。春冬之間。約可共銷萬八千餘石。燒酒歲出約二十萬斤。本境約銷十之四。外運者則十之六也。其餘自外運來之貨。以國稅計之。歲不過十五萬元之數耳。